



Salomé Buys-Vermeulen, wynmaker en handelsmerkambassadeur vir Lozärn-wyne, het vanjaar vir die tweede keer die Vrouewynmaker van die Jaar-toekennings losgeslaan.

Foto: VERSKAF

## Lozärn-wyne vier 'n vrou wat woeker in dié bedryf

Met Nasionale Vrouedag om die draai, laat Lozärn heel gepas die kollig val op vrouewynmaker Salomé Buys-Vermeulen.

Sy is die wynmaker en handelsmerkambassadeur vir Lozärn-wyne in die Robertson-wynvallei. Vanaf 'n klein begin in 2014, tot 'n gesonde, groeiende besigheid in 2022, sien sy haarself meer as 'n kritiese besluitnemer en doener as net die “maker” van wyn.

“Alles begin verseker in die wingerd; die grond- en plantgesondheid is van kardinale belang. Van hier moet die proses so skoon as moontlik en met groot sorg verder geneem word in die kelder.

“Dan is daar ook die besigheidskant wat my al geleer het dat ons moet bly aanpas, weer probeer en lees wat die mark vra,” gesels Salomé. Bowenal glo sy om elke dag

passievol te bly glo in jou drome vir 'n spesifieke projek, is wat jou motiveer en entoesiasies laat aanhou.

Einde 2021 is Salomé as Vrouewynmaker van die Jaar aangewys by die SA Women's Wine-toekennings. Sy het ook vanjaar die Vrouewynmaker van die Jaar-toekennings losgeslaan by die Lumo-toekennings.

Sy sê dit was 'n groot verrassing, maar ook 'n bevestiging dat Lozärn-wyne op die regte pad is en 'n klein boetiekkeldertjie spogwyne die lig kan laat sien!

Met die besonderse kultivar carménère as Lozärn se fokuspunt, is daar verseker nog groot dinge wat op dié kelder wag.

Maak seker jy loer hier in met jou volgende naweekwegbreker in die Robertson-wynvallei. Vir meer inligting besoek gerus [www.lozarn.co.za](http://www.lozarn.co.za).